



UNIVERSITÄTS-
BIBLIOTHEK
PADERBORN

**Ethica Symbolica E Fabularum Umbris In Veritatis Lucem
Varia Ervditione Noviter evoluta**

Pexenfelder, Michael

Monachii, 1675

Ethicè.

[urn:nbn:de:hbz:466:1-68709](#)

SYMBOLVM LXXX.

*Æneæ descensus ad inferos.*6. *Æneid.*

Ethicè.

1. Rami aurei ab Ænea decerpti moralis significatio.
2. Columba symbolum mentis integræ.
3. Facilis descensus averni.
4. Mala Gaudia.
5. Conscientiæ tormenta.
6. Inferorum horror.
7. Judices inferorum & Furia scelerum vindices.

Postquam ex Phrygia profugiens Æneas, classe delatus est *Cumæ*, ut bem Campanæ mari Tyrrheno adsitam, nihil duxit antiquius, quam ut *Sibyllam*, illic locorum in antro horrendo habitantem, accederet, cuius ductu ad inferorum sedes penetraret. Ingredienti Diana lucum, ulti occurrit vates, promittitque se vias ad infernas plaga, atque adeò ad Patrem Anchisen visendum, demonstraturam; si tamen prius ramum aureum in opaca quadam nemoris arbore latenter decerpserit, eumque Proserpinæ munus tulerit: esse verò hanc illius ramusculi naturam, ut avulsò uno, statim subnascatur alter, similique metallo frondescat: cæterum caveret ferrum ad eum convellendum adhibere, cum manum carpentis sit facilissime secuturus. His instructus monitis Æneas, dum Sibylla ducente, Diana lucum diligenter perlustrat, sollicitèque Deos precatur:

Si nunc sé nobis ille aureus arbore ramus

Ostendat némore in tanto!

Ecce tibi geminæ sese columbæ sub aspectum offerunt, quæ volatu antecedentes, ut primum ad lacum *Avernum* pervenere, considerunt in arbore votis omnibus exoptata, ob aureum in ea ramum resurgentem. Hic inferorum victimis immolatis, manib[us]que placatis, adfuit mox sacris advocata dea Proserpina seu Hecate, multis stipata canibus, horrendū ululantibus. Æneas hortatu comitis ferriter stringit gladium adversùs monstra, séque præeunte vadica duce, imperterritus immitit in antrum, per quod descensus ad inferos patebat. In ipso aditu apparent terribiles formæ, *Luttus*, *Cura*, *Morbi*, *Senectus*, *Metus*, *Fames*,

mes, Egestas, Lethum, Labor, Bellum, Faria. Præterea Centauri, Hydra, Gorgones, Chimera, Harpyiae, aliisque portenta tremenda. Hinc ad Acherontem atque Cocytum, infernales fluvios (quos plurimæ hominum umbræ sepulturæ carentium circumvolabant) desertur. Charon tam cultu, quam aspectu horridus senex, id loci Portitor est, & animalium eò confluentum Transvector. Qui ubi conspexit Æneam armatum adventantem, imperiosis facessere jussit à regnis Plutoniis. Crudum nautam jubet Sibylla metum ponere de hospite minimè malo, & cum dicto ostendit ramum aureum. Quod viso, statim placatior Charon, advertit cymbam ripæ, & Æneam, Sibyllamque transmittit. In littus expositos allatrat triceps Cerberus: quem tamen objecta offa medicata mox in somnum dedit adeò profundum, ut in humum prostratus, toto extenderetur antro.

Custode sopito, Æneas occupat aditum Tartari, & ad interiora progressus, mira videt, auditque. In limine percipiebatur vagitus infantum, quos acerba mors in ipsis cunis rapuit innocentes, & criminis omnis expertes. Juxta hos visebantur, qui falso accusati, damnataque fuere. Hic Minos capitalium rerum Quæstor tribunal habebat, qui diligenter ac severè examinat, quæ quisque inter mortales gesserit, vitæque & crimina discit. Proxima tenebant loca, qui sibi ipsi violentas manus intulerunt, vel tædio vita adacti, vel mortem præferentes turpi servituti. Nec procul inde mœsta inter myrteta, lachrymis indulgebant feminæ, quæ amore partim honesto, partim turpi victæ, necem sibi consciverunt. Inter quas, longo luctu tabescerebat infelix Dido, quæ amoris erga Æneam impatientia, gladiò per pectus transactò, se transfixit. Porro pergentibus, virorum bellicosorum, & militarium ducum, fortiter in acie cadentium, manes se offerebant. His ita conspectis, Sibylla cum comite suo pervenit ad moenia Tartari, triplici muro adamantino clausa, & Phlegethone, ardente fluvio, ambita. In foribus excubabat Telephone Furiarum dirissima, diu noctuque pervigil, flagellis terribilis, & serpentibus armata. Hic exaudiri gemitus damnatorum, sonare sæva Eumenidum verbera, stridorque ferni, tractæque catene: hic Rhadamanthus durissima exercet judicia: cogitque invitatos sua fateri commissa, & quæ olim in occulto patrata, nunc palam proferre. In hos, Carnifex sunt constitutæ Furie, misericoriam acerbissimè insultantes, torvosque in faciem angues intentantes; & post flagellarum sectiones, ad diriora supplicia remittentes. Hinc ad interiora delati, pro supercil qualia monstra cernebant?

O o o z

Quin-

Quinquaginta atris immanis hiatibus Hydra
Sævior intus habet sedem.

Hic spectare fuit *Titanum* gentem nefariam, montes montibus imponere, & bellum movere superis ausam. Hic *Salmoneus*, rex quondam Elidis, crueles dabat poenas, qui tonitrua & fulmina Jovis impie ac temerariè imitaturus, cœlesti igne conflagravit. Hic *Tityus*, truculentus *Terra* filius, in novem jugera porrectus, scelerum suorum dat supplicia, dum jecur ipsius semper renascens sævisimus vultur adunco rostro depascit & discerpit. Hic *Ixion* ob libidinis flagitium, volucrinexus rotæ, circumagit, & dilaceratur. Hic *Sisyphus* Latrociniis olim infamis cogitur perdius pernox saxum in montis verticem provolvere; quod cum ingenti labore ad summum propè extulerit, repente deorsum relabitur, & inanes conatus frustratur. Hic *Tantalo* lapis jamjam lapsus, nunquam labens, supra caput imminet, eumque perpetuo timore exanimat. Et quanquam videatur aureo thoro regales inter epulas recumbere, juxtâ tamen accubat horrifica *Megæra*:

----- & manibus prohibet contingere mensas;
Exurgitque facem attollens, atque intonat ore:

Dum canina fame stimulatum, & appositæ dapes devorare cupientem, elata face, & terribili voce absterret. Hic *Belides*, quinquaginta Danai filiæ, ob viros suos de nocte jugulatos, coguntur urnis perforatis aquam haurire, æternum non implendis. Hic poenas luunt qui fraterno dissidebant odio, quique suos parentes pulsarunt manu: qui fraudulenter circumvenerunt clientes: qui suis omnia metientes commodis, incubuere divitiis, nullâ suorum curâ habitâ: qui cæsi propter alienum thororum violatum: qui bella tractarunt civilia: qui patriam vendiderunt aurô: qui fidem dominis datam fefellerunt: qui leges pretio fixerunt, atque refixerunt: qui nuptias infandas & inceltas inierunt. Hi omnes crucifixis tam immanibus excarnificantur, ut nullo nec calamo, nec lingua explicari possit. In quibus *Pblegas*, pater Ixionis, homo sceleratissimus, magna voce testatur per umbras:

Discite justitiam moniti, & non temere Divos.

Inter hæc gressum promovent ad ipsam *Plutonis* regiam, Cyclopum opere magnifice exstructam. In cuius porta ubi ramum aureum Æneas suspendit, séque lustravit aqua, longius procedendo, ad Elysios deveniunt Hortos, amoenissimas *Beatorum* Sedes, quibus sua lucent sidera, suusque Sol, à rastro multum orbe diversus. Ibi Orpheus suavissima modulatione

modulatione pulsabat citharam, cui felices accinebant incolæ, & ad numerum choreas ducebant, Præcipue veniebant sub oculos longa serie Reges Trojani, magnanimique heroës, qui positis armis, lætum pœana in separato laurofum nemore canebat. His proximi, qui pro patria spiritum extremum effuderunt: qui singularem in vita castimoniam coluere, qui veritatis peramantes fuere: quicunque artes, hominum societati utiles, invenerunt: quicunque liberales atque officiosi, alios sui memores fecere merendo. Hi omnes ut Æneam summa voluptate perfuderunt, ita maximam peperit lætitiam aspectus & alloquium parentis Anchisæ, in cuius amplexus ruiturum Æneam, frustravit imago, nulli obnoxia contactui. Cæterum nemus illud alluebat fluvius Lethe. Circa quem innumeræ volitabant animæ, quibus fato debebantur altera corpora, & ad vitam reditus: ea avidè potabant fluminis undam, & cum ea rerum omnium oblivionem. Nam quis vellet ad corpus reverti, qui vel memor deliciarum, quibus fruebatur in Campis Elysii, vel reminiscens molestiarum, quas pertulerat in vita, nisi amne Lethæo memoria exantlatorum laborum demersa fuisset? Denique dulcissimo cum parente colloquio ubi datum est satis, Æneas ducitur ad locum, ubi poterat videre, & agnoscere futuram sobolem, Romanamque ex ordine gentem. Edoctus igitur dilucidè de propagatione generis sui, rebùsque post longa secula futuris, valedixit Anchisæ, cùmque Sibylla in oras fluminis remeavit.

Ethica.

I. (a) Ramus aureus, Ænea 6. Æneid.

Hic Æneæ, Trojani Principis, ad inferos, & campos Elysios descensus, magnam nobis optimarum instructionum segetem suppeditat. Nam imprimis *Aureus* ille *Ramus*, quid est aliud, nisi *Prudentia*, qua duce vir fortis omnia discrimina pervadit?

----- primò avulsò, non deficit alter.

Nam per exercitationem virtus non minuitur, sed augetur. Ex illice, arbore infrugifera, decus illud aureum defringitur: *virtus* enim sibi sufficit ipsa; estque sui gratiâ, non prœmii, expetenda. Vnde olim corona quercina, maximum honoris ornamentum. Hanc frondem seu virgam, miratur Charon *longo post tempore visam*: quia pauci boni, paucique sapientes hac virgula divina instructi sunt; contra verò malorum stultorumque plena omnia. Intelligas etiam per *Ramum aureum* profa-

Ooo 3

piam

(a) *Ramus aureus* significat prudentiam, virtutem, nobilitatem, fortitudinem.

piam nobilem, sanguine & virtute ad posteros propagaram; ex avita stirpe, & multis trophæis ornata, uno avulso non deficit alter. Majorum decora per æmulos traducuntur ad posteros. Strenuitatis argumentum ab antiquis Germanis habitum est, ex auro, argenteo obtenta folia. Henricus Thuringiæ Landgravius Northusæ decurcionem militarem, seu hastiludium instituit: Bravum erat, arbos ex aureis & argenteis foliis creta. Singulis concurrentibus & frangentibus hastas, sed in sessione permanentibus, argenteum cessit folium, si quis autem adversarium ex equo dejecisset, aureum ei dabatur. Ita Chronic. Misnense.

II. (b) *Columbae Aeneæ duces.*

Aeneam ad arborem felicem geminæ duxere columbae prævolantes. Sunt enim innocentiae, mentisque excelsæ symbolum: nam aves haec amant tecta candida, & summa domorum petunt. Læta auspicia per columbas duci, ex divinis quoque litteris discimus. ps. 67. Laudantur columbarum penna deargentata, & posteriora dorsi aurea. Ab argento nimis, seu puritate vitæ, ac mentis integritate transitus est ad felicitatem auream, olim in Elysis hortis, hoc est, in cœlo obtainendam.

III. (c) *Facilis descensus averni, Sed revocare gradum, hoc opus, hic labor est.*

Inter Sibyllæ effata, etiam hoc fuit:

----- *Facilis descensus Averni;*

Noctes atque dies patet atri janua Ditis:

Sed revocare gradum, superasque evadere ad auras,

Hoc opus, hic labor est.

Quibus versibus innuitur, facilem & proclivem esse lapsum in via, sed difficilem redditum ad virtutem. *Socrates* cum aliquando in colloquium cum *Theodota*, meretrice famosissima, venisset, quæ Callisthenem, *Socratis* discipulum, blandis ad se verbis trahebat, Philosopho dixisse fertur: *Ego quidem, ô Socrates, multo te superior sum.* Nam cum tu neminem ex meis à me possis abalienare; ego cum libitum est, tuos omnes à te avoco. Cui is respondit: *Non mirum quidem hoc. Tu si quidem ad declivem tramitem omnes rapis; ego vero ad virtutem duco, ad quam arduus plerisque & insolitus est ascensus.* Nimis corrupta hominum natura facilè deflectit ad vitia, quorum lata est via; abhorret à virtutibus, ad quarum fastigium arduus & spinosus est callis. *Ælian.* lib. 13. hist. *Seneca* teste, vitia & flagitia sine magistro discuntur, & ea nos ad inferos mittunt. Neque laboriosum est, descendere ad illud

(b) *Columba symbolum mentis integra.* (c) *Facilis descensus Averni.*

seclerum & suppliciorum barathrum ; sed revocare gradum , & referre pedem , séque à lapsu per salutarem pœnitudinem recipere , hoc opus , hic labor est . Degustatis enim malè jucundis voluptatibus , vix ab illis di- velli mortales possunt . Deinde inexorabiles sunt Tartari fores ; sero pul- santur gemitu . Propert . lib 4. eleg . 12.

Cùm semel infernas intrârunt funera leges

Non exorato stant adamante viæ .

Inexplicabilis , immensa , incomprehensibilis est pœnarum æternitas ,

Cùm semel occideris , & de te splendida Minos

Fecerit arbitria :

Non Torquate genus , non te facundia , nec te

Restituet pietas . Horat . lib . 4. ad 7 .

IV. Mala Gaudia . 6. Aeneid .

In Orci vestibulo qualia monstra , quām terribilia fese objecerunt
Æneæ ! Audi Poëtam .

Vestibulum ante ipsum , primisque in fauibus Orci

Luctus , & ultrices posuere cubilia *Cura* .

Pallentesque habitant Morbi , tristisque *Senectus*

Et *Metus* , & malè suada *Fames* , & turpis *Egestas* ,

(Terribiles visu Formæ) *Lethumque* , *Labórque* ,

Tum confanguineus *Lethi Sopor* , & mala mentis

Gaudia : mortiferumque adverso in limine *Bellum* .

Ferreique *Eumenidum* thalami , & *Discordia* demens ,

Vipereum crinem vittis innixa cruentis ,

Multaque præterea variarum monstra ferarum ,

Centauri in foribus stabulant , *Scyllæq* , biformes ,

Et centum-geminus *Briareus* , ac bellua *Lerna* .

Horrendum stridens , flammis armata *Chimera* ,

Gorgones , *Harpyiae* , & forma tricorporis *Vmbrae*

(d) Ubi nota , *Mala mentis Gaudia* ; De quibus sacræ litteræ : *Lætantur* cum male fecerint , & exultant in rebus pessimis . Prov . 2 . Sic in Apulia morsi à tarantulis , continuò saltant , & tripulant , & saltitando ac tri- pudiando emoriuntur . Sic cicadæ canendo & strependo vitam relin- quunt , quibus S. Ambros . lib . 1. epist . 6. homines comparat voluptarios , qui sub ardore ferventium cupiditatum se mulcent cantu , sibi noxio , sta- tūque occidunt . Sic scortator sua gaudia jactat :

Quanta ego præterita collegi gaudia nocte .

Immortalis ero , si altera talis erit .

Itáne

(d) *Fernicosa gaudia* .

Itānē homo īpurissime ac perditissime , tu ista ratione immortali-
tatem quāris ? Quid ille avarus apud Horatium ? quām gaudet argento
suo ?

---- populus me sibilat ; at mihi pludo

Ipse domi , simul ac nummos contemplor in area.

Quid Ergasilius parasitus in Captivis plauti ? quām suo ventri gratu-
latur , dum vadit Hegioni nuntiare adventum filii , quem in publica ce-
loce , in portu primus conspexerat ?

Jupiter supreme servas me , mēasque auges opes ,
Maximas opimitates , opiparāsque offers mihi
Laudem , lucrum , iudum , jocum , festivitatem , ferias ,
Pompam , penum , potationes , saturitatem , gaudium &c.

[Verè Seneca Epist. 60. *Gaudium nisi sapienti contingere non potest.*
Gaudio enim junctum est , non desinere , nec in contrarium verti. Omnes
tendunt ad gaudium ; sed unde stabile & magnum consequantur , igno-
rant. Ille ex conviviis & luxuria , ille ex ambitione & circumfusa clien-
tum turba , ille ex amica , alius ex studiorum liberalium vana ostentatione ,
& nihil sonantibus literis. Omnes istos oblectamenta fallacia & brevia
decipiunt , sicut ebrietas , quæ unius horæ hilarem insaniam , longi tem-
poris tēdio pensat. Malæ mentis gaudia si quisquam aliis expertus est ,
Salomon fuit , qui de se ipso Ecclesiast. 2. *Omnia , quæ desideraverunt oculi
mei , non negavi eis : nec prohibui cor meum , quin omni voluptate fruere-
tur , & oblectaret se in his , quæ preparaveram.* Quid sequitur ? Cūmque
me convertissim ad universa opera , quæ fecerant manus meæ &c. vidi in
omnibus vanitatem , & afflictionem animi. Et loc. eodem. *Dixi ergo in
corde meo : vadam & affluam deliciis , & fruar bonis.* Et vidi , quod hoc
quoque esset vanitas. Risum reputavi errorem : & gaudio dixi. Quid
frustra deciperis ? Persentisunt hoc , & frustra dolent inferi , se deceptos
fuisse ; quorum vox lamentabilis : *Ergo erravimus à via veritatis , & ju-
sticie lumen non luxit nobis : transferunt omnia illa (scilicet gaudia) tan-
quam umbra & tanquam nuntius percurrens.* Sap. 5. Si vis sincerè gau-
dere , sectare virtutem , castitatem amplectere , temperantiam cole , justi-
tiam observa , Deum time. Audi iterum Romanum Philosophum epist.
20. & 23. Verum bonum specta , & de tuo gaude , ex te nascentibus bo-
nis , non extra te quæsitis. Et Poëta Venusinus : navibus atque quadrigis
petimus benè vivere , jucundè & hilariter legere.

----- quod petis , hīc est ;

Intus habes , animus si te non deficit æquus :

Vtrice



Ultrices curæ, luctus, morbi, senectus, timores, pauperies, mors, pefiferi sunt fructus arboris illius, cuius pomum à protoplastis sceleratè decerpum, sceleratiùs fuit comestum. Quæ tamen omnia non penetrant illum animum, cui gaudium surgit ex bona conscientia, ex honestis consiliiis, ex rectis actionibus, ex contemptu fortitorum, ex placido vitæ, & continuo tenore unam prementis viam. Ita Stoicus doctè & fortiter.

V. *Monstra in limine Tartari. 6. Aeneid.*

(e) Quid autem sunt illa monstra, *Gorgones, Hydra, Chimera, Harpyiae Centauri &c.* quibus Aeneas strictam aciem venientibus offert? Respondeo, esse scelerum portenta, & inde orta conscientiæ tormenta, quæ tormenta reos in ipso Tartari vestibulo, hoc est, in illa infelicitis æternitatis vicinia, in extremo scilicet vitæ articulo, veluti quædam illarum pœnorum præludia, quæ mole fœse immensa inferorum cruciatibus sempiternis infundent. Per *Centauros* intellige libidinosos, ex homine & bestia compositos, lasciviæ adhinnientes: per *Scyllam & Harpyias*, avaros ac rapaces: per flamis armatam *Chimaram*, ferores & iracundos: per beluam *Hydram*, pigros & ignavos, velut in *Lernæa* palude natos & enutritos: per *Gorgones* angueinas, & uno tantum oculo præditas, irvidos & livoris veneno infectos: per tricorporem *Geryonem*, gulosos & in pastum abjectos, abdominis manicipia; per centimanum *Briareum*, superbos & ambitiosos, longè latèque cupiditates suas extendentes. Omnes hi versantur in Orci limine; & vitiorum monstrositate, turpitudine in vita præsenti, & pœnas futuræ accersunt æternas. Contra hæc monstra strenue dimicandum, & Aenea gladio utendum:

Tu ne cede malis, sed contrà audientior ito.

Ense recidendum malum est, id est, non timidè, non molliter, sed generoso mentis robore resistendum depravatae naturæ insultibus, & adversùs vitiorum impetus obfirmandus animus. Neque frustra dicuntur hæc Portenta, in orci vestibulo stabulari, illisque objici, qui cum Aenea per multas difficultates ad campos Elysios tendunt: significatur enim, ad virtutem, & felicitatem inde nascitam, perveniri non posse, nisi in ipso limine, hoc est, primis malarum commotionum initiis, & aggressionibus, strenue repugnetur.

VI. *Fluvij infernales. 6. Aeneid.*

(f) Jam terribili squalore *Charon, Erebi & Noctis filius*, cum cymba sua futili, & infernalibus fluviiis nobis est inspiciendus. *Charon* nomen habet à lætitia, scilicet per antiphrasin, ut *Parcet parcunt, Luci lucent*, fingitur

PPP truci

(e) *Conscientia tormenta. (f) Inferorum horror.*

rruci & nautico ~~ultu~~, flammeis oculis, sordido amictu, cruda senectute animas corpore solutas lembo suo per tria flumina *Acheronem*, *Stygem*, *Cocytum* in Tartarum deyehere, arroganti in omnes supercilium ac voce. Hinc *Aeneam* procul venientem conspicatus, minaciter alloquitur, & increpat:

Quisquis es, armatus qui nostra ad limina tendis,
Fare age, quid venias: jam isthinc & comprise gressum.

Talis oratio, qualis persona, nempe nautica & inhumana. Nam apud inferos quid aliud est, quam superbia, crudelitas, horriditas? Hic nullus respectus ad nobilitatem, opes, facundiam, Horatio canente lib.

2. Od 3.

Divēsne, prisco natus ab Inacho
Nil interest, an pauper & infima
De gente, sub dio moreris
Victima nil miserantis orci.
Omnes eōdem cogimur, omnium
Versatur Urna, seriūs, ocyūs
Sors exitura, & nos in aeternum
Exilium impositura Cymbæ.

Et Od. 14. Est tristis unda scilicet omnibus,
Quicunque terræ munere vescimur,
Enaviganda, sive reges,
Sive inopes erimus coloni.

Et Od. 18. ----- nec satelles Orci

Callidum Promethea
Revexit auro captus. hic superbum
Tantulum, atque Tantali
Genus coēret: hic levare functum
Pauperem laboribus
Vocatus, atque non vocatus, audit.

Porro vestibula, quā aditus ad Plutonis regiam ducit, ferreis sunt claustris atque repagulis obfirmata. Ingredientes fluvius *Acheron* excipit: post quem *Cocytus* fervet; huius aestus *Stygiam* paludem efficit. Quibus trajectis ad *Minoēm*, *Æacum*, *Rhadamanthum* accedere necesse est. *Acheron* idem quod absque gaudio: nam qui gaudio caret, is tristitia afficitur, quod per *Stygem* designatur, ἀπὸ τῆς συγερῆς, tristis, horribilis. Et quia tristitia luctui proxima, *Cocytus* additur, ἀπὸ τῆς κούνεων, id est, luge-

re



te, plorare, lamentari. Quid autem aliud invenitur in inferorum carceri, quam illætabilis horror, perpetuus luctus, continuus fletus & stridor dentium? In hanc denique Musicam desinunt impuræ cantiunculæ, lascivi moduli, saltatoria carmina spurca choreumata. *Væ vobis qui ridetis, quia flebitis & lugebitis;* minatur servator orbis. Luc. 6. Flendi & plorandi materies erit, jactura temporis: horæ, hebdomades, menses, anni turpissimè consumpti: dilata pœnitentia, spes præcisa venia, janua clausa misericordiæ, sine fine crucians æternitas.

VII. Indices inferorum, & Furiæ scelerum vindices. Æneid. 6.

Procedendo cum Ænea, visamus formidabile tribunal trium Orci Jūdicum, *Minois, Æaci, Rhadamanthi.* Excogitârunt hos Poëtæ, quoniam imperitum vulgus non facile intelligebat, omnes animi nostri recessus, omnésque cogitationes Deo esse conspicuas; quando vel præmia, vel supplicia singulis pro merito tribuuntur. Hinc Quæsitores ac Tortores animarum post mortem apud inferos constituerunt, qui vel singulos confiteri sua sclera cogerent, vel confessis præmia, aut pœnas, pro judicii severitate ac sententia irrogarent. Hi vero tres nominantur. De Minoë (qui fuit Cretensum Rex justissimus) Maro 6. Æneid,

Quæsitor Minos urnam movet, ille silentum

Conciliūmque vocat, vitasque & crimina discit.

Est namque Prætor rerum capitalium, cui Poëta dat sortitionem, cum *Vnam nominat: dat ei electionem Judicium, cùm dicit: Conciliūmque vocat: cognitionem facinorum, dum ait: vitasque & crimina discit.* Alter Judex *Rhadamanthus, Rex Lyciæ quondam, severus iustitiae Exactor, de quo Virgiliius.*

Gnosius hæc Rhadamanthus habet durissima regna,

Castigatque, auditque dolos, subigitque fateri,

Quæ quis apud superos, furto lætatus inani,

Distulit in seram commissa piacula mortem.

Priùs audit, postea castigat & plectit nocentes, qui flagitiis quamvis occulti, comperti pertrahuntur ad tribunal, & dare coguntur pœnas criminum, quæ per omnem vitam continuârunt. His à Poëtis adjungitur *Æacus, Rex olim Æginæ insulæ in mari Ægeo, qui propter incorruptam iustitiae laudem, à Plutone delectus est inferorum judex, ad peccata sonnum discutienda, & pro meritis pœnas inferendas.* Meminit eius Seneca in Hercule Furente:

Non unius alta sede Quæsitor sedens,
Judicia trepidis sera fortitur reis,
Auditur illo Gnosius Minos foro,
Rhadamantus illo, Thetidis hōc audit sacer.
Meminit & Ovidius in Aegina;

tuāsque

Æacus in poenas ingeniosus erit.

Diximus post regiam Plutonium, & fluvios infernales superatos, ad eum deveniri locum, in quo Prætores isti tribunal exercent, qui *Campus Veritatis* appellatur, ubi nullus tergiversationi, exceptioni vel mendacio relictus est locus. Prius audiunt crimina: deinde illa castigant per Furias seu Eumenidas, quæ nocentes consciidunt flagellis, & angues minaciter in faciem intentant, male sibi consciæ mentes perpetuò exagitant, & tormentorum continua formidine excrucianto. Post verbera ad graviora supplicia mittunt, more judiciorum humanorum, in quibus à quæstione ad tormenta descenditur. Hic nota, *Rhadamantheum* judicium dici poenam *Talionis*, de qua Hesiodus:

Lex recta est, cùm quis patitur, quod fecerit ipse.

(g) Item accipitur pro judicio incorrupto, quod nec muneribus nec gratia inflecti potest. Atque hoc est officium Judicis, ut nec amore, nec odio, nec cupiditate, nec timore, aut ulla mentis perturbatione à recto dimoveatur. Hinc teste Plutarcho in lib. de Iside, Judicūm imagines visebantur absque manibus; eò quod Justitia nullis donis capiatur & clausis oculis, ne hominum vultu flectatur: nam Tullio pronuntiante, exuit personam Judicis, quisquis amicum induit. Apud Alciatum symbolum integri Judicis est aqualis & malluvium cum mantili, quibus manus abluuntur, ut significetur innocentia & abstinentia à munib⁹. Emblem. XXXI. Apud Ægyptios gestabant Judices in collo imaginem veritatis ex Saphyro. Areopagitæ Athenis noctu atque in tenebris causas cognoscebant; ut non dicentes, sed duntaxat, quæ dicerentur, speclarent. Sed ad Rhadamanthum ejusque assestores; videamus pér quos lictores & tortores plectant crimina. Virgilius:

Continuò fontes ultrix accincta flagello

Tisiphone quatit insultans, torvōsque sinistra

Intentans angues, vocat agmina fœva sororum.

Alecto, Megara, Tisiphone Furiarum principes (quibus nomen à furore est) atrociter fontes ob conscientiam scelerum exagitant. Erinnyses

(g) Severum judicium & incorruptum.

nyes vocantur, ab ἐρυγέει indignari. Enmenides dicuntur καὶ αὐτίφεοι, quasi minimè benevolæ, idcirco sic nominatæ, quod gravissimæ habentur scelerum vindices, ideoque illarum nomina nemo sine metu auerteret proferre. Earum juxta Poëtam ferrei sunt thalami, quia animum male sibi concium, ne mollissimis quidem in plumis quiescere sinunt; sed veluti in ferrea crate versant, & reversant, & nullam partem! respirationis indulgent. Et quia omnia flagitia vel per invidiam, vel odium, vel spem aliquius commodi committuntur, hinc τίσις, ὑλίο φόνος cades, per iram & odium nascitur, idque ulciscitur Tisiphone. μεγαίης verò invidere vel contendere significat, ideoque scelera per invidiam commissa punit. At ἀλλος nunquam cessantem denotat, vel quia nunquam cessat furere, vel quia titillatio voluptatum identidem vellicat animum, & ad improbitatem allicit; in quos peccantes Alecto animadvertisit.

Dicuntur Noctis filiae propter inscitiam mortalium, & ignoratiō nem rerum futurarum. Quis enim est, qui non turpe putet, si rem diligenter perpenderit, se illa propter brevissimas voluptates committere, quæ mox eterna supplicia consequentur? aut quis non intelligat, indecorum esse homini, tanquam bellum hoc illuc impuris libidinibus agitari? igitur ex ignoratione sui, nascuntur hi affectus, qui ubi in aliqua scelera homines impulerint, discruciatur animus, quorum recordatio sit instar crudelissimorum & infestissimorum tortorum. Furijs nihil aliud significari, ait Cicero pro Rosc. Amer. quād eos, qui aliquid impiè, sceleratèque commiserint, agitari & perterriti, non furiarum verberibus, ac tædis ardentiibus; sed angore conscientiæ & fraudis cruciatu: sua enim quemque fraus, inquit, & suus terror maximè vexat: suum quemque scelus exagitat, amentiāque afficit; suæ malæ cogitationes, conscientiæque animi terrent. Hæ sunt impiis assidue, domesticæque Furyæ, quæ dies noctesque poenas à sceleratis repetunt. Nimirum ex peccato carnifice, sequitur animi peccantis carnificina. Nullum majus & supplicium scelerato, ipso scelere, vix culpa est admissa, mox quies omnis est amissa. Poëtica illæ Furyæ adsunt domi, comitantur foris, non desinunt in lecto, sæviores in tenebrarum horrore. Nullam dignitatem aut conditionem hominum reverentur. Ubique se ingerunt, & oculis objiciunt; inter epulas, ludos, hilaritates interveniunt, & quidquid lætum erat, illætabile reddunt. Lucanus exclamat:

Heu quantum misero pœnæ mens conscia donat!

P pp 3

Domi

Domi habes tribunal, inquit D. Bernardus, accusatores, testes, iudices, tortores. Accusat te conscientia, testis est memoria, ratio judex, voluptas carcer, timor tortor, oblectamentum, tormentum. Cicero hoc vidit, qui pro Milone magna, inquit, est vis conscientiae in utramque partem, ut neque timeant, qui nihil commiserunt; & poenam semper ante oculos versari putent, qui peccarunt. Et Poëta.

----- Hic murus aheneus esto.

Nil conscire sibi, nulla pallescere culpa.

Exempla sunt in C. Caligula, qui ad minima tonitrua & fulgura connivere, caput obvoluere: ad verò majora proripere se è strato, sub lectumque condere solebat. Sueton. Non minus pavidi fuere Domitianus, Nero, Decius, Diocletianus, Maximianus: ipse quoque Augustinus Cæsar semper, & ubique pellem vituli marini circumferebat, ne fulmine percuteretur. Et C. Julius Cæsar perpetuò lauream coronam gestabat, quod crederet, lauro cœlestem ignem averti. Job. c. 21. tyrannum describens: Sonitus, inquit, terroris semper in auribus illius: & cum pax sit, ille semper insidias suspicatur: non credit, quod reverti possit de tenebris ad lucem, circumspectans ubique gladium. Et Salom. Prov. 10. Pavor his, qui operantur malum.

S Y M B O L V M L X X X I .

Quorundam apud inferos supplicia.

6. Aeneid.

I.

Salmoneus fulminatus.

Ethicè.

Arrogantia plus quam humana.

Pergamus ad eos, qui in imo Tartari scelerum suorum supplicia solvunt. In iis est *Salmoneus* Æoli filius, non regis illius ventorum, ait Servius, sed cuiusdam Elidis reguli. Hic regia non contentus sorte, majestatem & honores divinos affectavit; utque Deus videri posset, pontem æneum construxit, super quem curvum rotas æreis canthis obmunitas;